

**Zeitschrift:** Annalas da la Societad Retorumantscha  
**Band:** 74 (1961)

**Artikel:** La radunanza da delegats  
**Autor:** [s.n.]  
**DOI:** <https://doi.org/10.5169/seals-225600>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 30.09.2024

**ETH-Bibliothek Zürich, E-Periodica, <https://www.e-periodica.ch>**

## La radunanza da delegats

La 44 avla radunanza da delegats da la LR dals 11 gün 1960 illa Tschalera a Cuaira ais sainza dubi ün term marcant illas annalas da la LR. Cun quaist di sun nempe entrats in vigur ils novs tschantamaints da la Lia Rumantscha, stats approvats da la radunanza da delegats extraordinaria dals 24 october 1959. Els, insembel culs mezs augmentats da confederaziun e chantun dervan üna nouva era per la defaisa e promoziun dals interess rumantschs ed han dat a l'an 1960 il buol d'ün an da transiziun e reorganisaziun tant quai per la LR sco eir per las societats affiliadas.

Dasper l'approvaziun dal quint 1959 e dal preventiv 1960 avet la radunanza da tscherner la nouva suprastanza chi as cumpuona eir da quinderinavant da 5 commembers. Da quels han pero las quatter societats regionalas minchüna ün rapreschantant. Quaist fat ha per consequenza cha'ls prof. Reto Florin e prof. dr. Gion Deplazes as retiran da la suprastanza, per far lö ad ün rapreschantant da la Renania e da l'Uniung Rumantscha da Surmeir. Ad els vulaina exprimer eir in quaist lö ün cordial ingrazchamaint per lur granda lavur prestada in favur da nossa lingua, sco eir a signur dr. Gieri Federspiel chi ais stat suppleant da la suprastanza, ed als signuors Cr. Candinas e F. Denoth sco revisuors da quint. Sco novs commembers aintran ils signuors Cristian Caduff e dr. Steafan Sonder illa suprastanza, e sco suppleants resta Christian Badraun ed aintra dr. Augustin Cahannes.

Plünavant han ils delegats gnü d'eleger sco nouv organ la cumischiun da gestiun culs signuors C. Spescha, M. Albertin e P. Signorell, chi fuorma insembel cun la controlla chantunala da finanzas il revisorat.

## Il cussagl

Quaist nouv organ directiv e consultativ da la LR, chi cumpiglia la suprastanza da la LR ed ils presidents da las societats affiliadas es stat convocà quatter voutas. In sia prüma tschantada dals 27 gün 1960 ha el clamà a sar dr. G. G. Casaulta, secretari dal departamaint da fabrica al post da secretari da la LR. Plünavaint s'ha il cussagl occupà cun las seguaintas dumandas: Zavrada da las competenzas tanter LR e societats affiliadas, regulativ e reglamaints proposts ad el da la cumischiun giuridica in basa als tschantamaints novs, directives generalas davart il dret da commember d'üna società affiliada; interpretaziun da las posiziuns «Servezzan da referats» e «Fatscha da noss cumüns», preventiv 1961 ed usche inavant.